

**STIGTINGSVERGADERING VAN LÜCKHOFF HIGH SCHOOL ALUMNI – GEHOU
TE THE WINE ARC, NIETVOORBIJ PROEFPLAAS, STELLENBOSCH OP
SATERDAG, 21 MEI 2022 OM 10:00**

Die volgende voorgestelde agenda is aan persone wat genader is om die stigtingsvergadering by te woon, elektronies aangestuur en lyk soos volg:

Verwelkoming

Seën

Bekendstelling

Strategiese Doelwit

Verkiesing: - Voorsitter
 Onder-Voorsitter
 Sekretaris
 Onder-Sekretaris
 Kassier
 Finansiele Beampte
 Addisionele Kommissies

Die volgende persone was teenwoordig:

Stan Amos – Jaar in matriek - 1967
William Samuels – 1967
Wilfred Daniels – 1970
Fatigh Henry – 1975
Vincent Parrott – 1978
Chris Jooste – 1978
Broidy Ortell – 1978
Allan Parrott – 1979
Jerome Pietersen – 1984
Stanton Hector - 1995

Persone afwesig met verskoning:

Virginia Borraine
Venita Solomons – 1979
Lana Carelse

VERWELKOMING

Die vergadering is om 10:00 geopen in gebed deur Mnr Jerome Pietersen en daarna is die verwelkoming gedoen deur die huidige skoolhoof van Lückhoff, Mnr Chris Jooste.

STRATEGIESE DOELWIT

Mnr Stan Amos het vervolgens die teenwoordiges toegesprek oor die Strategiese Doelwit van die vergadering en die beoogde organisasie/maatskappy sonder winsbejag (MSW). Volgens hom betaal net 25% van die skool se leerders skoolfooi en omdat die skool nie daaruit kan bestaan nie, is die strategiese doelwit van die beoogde Artikel 21-maatskappy of 'n maatskappy sonder winsbejag/winsogmerk (MSW) **om die skool by te staan op verskillende gebiede.**

Hy het ook genoem dat daar op 25 Junie 2022 'n boek oor "Ou Luckhoff" vanaf 1935 tot 1969 bekendgestel sal word.

Ander punte wat hy aangeraak het was:

- Erkenning moet verleen word aan mense wat bydrae oor die jare gelewer het.
- Oud-leerders wat verspreid is oor die wêreld, soos verpleegster Doris Sedeman wat tans op die Eilande is en Sydney Slade in Perth en mense soos William Samuels moet genader word om 'n bydra te lewer al is dit dan selfs net om motiveringspraatjies by die skool te hou. Hierdie mense wil 'n bydra lewer.
- Maniere hoe om geld te genereer soos die verkoop van bekere en T-hemde. Mnr Pietersen sê dat hy die persoon wat bekere goedkoper kan lewer, sal vra om Mnr Amos te nader.
- Vandag moet ten minste een persoon gekies word wat elke spesifieke kommissie gaan dryf.
- Ons moet kyk na die definisie van *alumni*. Sal 'n vrou wie se man op Lückhoff was, maar sy nie, kan aansluit? Mnr Samuels sê dat oud-onderwysers wat by Lückhoff skool gehou het, wel deel vorm van die *alumni*.

William Samuels het gevoel dat mense van "Ou Lückhoff" en "Nuwe Luckhoff" ewe hard gewerk het en dat beide groepe vereër moet word en dat die twee groepe moet verenig. Daar is presteerders uit beide Lückhoffs.

Mnr Henry het gevoel dat daar reeds by vorige geleenthede soortgelyke organisasies gestig is en dat van hulle bankrekenings geopen het en hy het gemaak dat die organisasies die voorgenome organisasie mag uitdaag oor bestaansreg. Hierop het Mnr Stan Amos geantwoord dat nog nie een van hierdie organisasies geregistreer was nie. Mnr Chris Jooste het gesê dat die vorige organisasies slegs bymekaar gekom het om reünies te reël en dat hulle nooit 'n regs persoon op dieselfde vlak as die voorgenome organisasie was nie. Volgens hom was dit "social gatherings". Hy weet dat daar wel een geregistreeerde organisasie was wat deur Mnr Eddie Dames se groep

gestig is en dat hulle wel 'n rekening by Cluver en Markotter geopen het. Mnr Amos het hierop geantwoord dat die voorgenome organisasie gaan aansoek doen om as 'n maatskappy sonder winsbejag/winsoogmerk ('n Art 21-maatskappy) te registreer.

Mnr Daniels het mnr Henry bedank vir sy belangrike punt en gesê dat daar verenigings is wat sonder 'n mandaat met die owerhede onderhandel. Hy het ook gesê dat hy verwag dat daar 'n bietjie negatiewe sal wees, maar dat ons nie kan terugstaan en wag vir ander nie, maar dat ons niemand moet uitsluit nie. Hierdie punt moet op die agenda bly.

Mnr Amos voel dat daar 'n verskil gemaak moet word tussen reünie-groepeerings en die beoogde MSW.

Mnr Jerome Pietersen bedank die vergadering dat hulle die punt oor die *alumni* vereniging uitgeklaar het.

Mnr Henry het gesê dat dit baie belangrik is dat daar 'n geloofwaardige vereniging gestig word. Ons moet seker maak dat hierdie die enigste groepering is. Hy wil nie hê dat ons goeie bedoelings in die wiele gery word nie.

Mnr Daniels voel dat niemand uitgesluit gaan word nie.

Mnr Stanton Hector voel dat mense net nie die skool moet misbruik om geld te genereer nie. Die entiteit wat gestig moet word moet 'n volwaardige regs persoon wees. Mnr Samuels ondersteun Mnr Hector.

Mnr Henry het egter gestaan by sy voorbehoude en gesê dat dit baie belangrik is dat daar 'n geloofwaardige vereniging gestig word. Ons moet seker maak dat hierdie die enigste groepering is. Hy wil nie hê dat ons goeie bedoelings in die wiele gery word nie.

Mnr Amos sê dat daar kommunikasie sal wees oor wat hier gebeur.

Mnr Wilfred Daniels sê dat daar plek sal wees vir elkeen om ten minste hulle talente na die organisasie te bring.

Mnr Jooste reken dat ons êrens 'n begin moet maak. Hy stem saam met Mnr Daniels dat almal wat belangstel, 'n plek gegun sal word. Maar dat daar 'n verbintenis moet wees met die skoolbeheerraad. Mnr Daniels voel dat Mnr Jooste 'n vergadering met die skoolbeheerraad moet reël om hulle sodoende te betrek. Hy voel ook dat die gebou in die dorp weer beset moet word.

Mnr Daniels sê dat een van die eerste take van die inkomende bestuur moet wees dat die hoof 'n vergadering met die skoolbeheerraad moet reël.

BEKENDSTELLING

Die bekendstelling het vervolgens gevolg en lede het hulleself voorgestel.

Stan Amos – Het gewerk in konstruksie/Ou Mutual/Navorsing oor Ou Lückhoff

William Samuels – Gekwalifiseer as landmeter/argitek, en was lektor by CAPUT, bou-inspekteur

Wilfred Daniels – Afgetrede sportadministrateur

Fatigh Henry – Afgetrede onderwyser wat meer as 38 jaar skoolgehou het.

Vincent Parrott – Afgetrede skoolhoof

Chris Jooste – Huidige skoolhoof

Broidy Ortell – Teologie/Bemarking by Sanlam, Fotografie. Werk tans by 'n ouetehuis as algemene bestuurder.

Allan Parrott – Taalpraktisyn in KwaZulu-Natal

Jerome Pietersen – Bedryfsbestuurder by Marcel's Frozen Yogurt

Stanton Hector 1995 – Mediese Wetenskaplike en Navorser – Senior lektor

VERKIESING

Mnr Daniels is deur die teenwoordiges as verkiesingsbeampte voorgestel en hy wou weet wat die status van die interim-kommissies gaan wees. Status van die interimskap gaan wees tot en met registrasie van die MSW (maatskappy sonder winsbejag).

Mnr Amos het hierop geantwoord dat ons gaan aansoek doen om 'n MSW (maatskappy sonder winsbejag/winsoogmerk) te registreer. Mnr Daniels sê dat ons gaan mense kies om as leiers van die kommissies te dien en dat daardie mense dan die mandaat het om mense te gaan soek met dieselfde kundigheid en passie om te dien op daardie kommissies. Hulle het egter nie die reg om daardie mense aan te stel nie. Hulle moet die name voor die bestuur lê wat dit dan sal bevestig.

Mnr Samuels voel dat die eerste mense wat gekies word, slegs interim sal wees en later bevestig sal word.

Mnr Daniels sê dat daar 'n "grondwetskrywende kommissie" moet wees wat die reëls sal neerlê. Elke jaar sal 'n verteenwoordiger hê – dit bring ons dan by 85 jare se verteenwoordigers. Maar dit is kwessies vir die "grondwetskrywende kommissie".

Mnr Pietersen sê om die MSW te stig, het ons sleg die verkiesing en die notule nodig.

Mnr Henry sê uit sy kennis van 'n organisasie sonder winsbejag (OSW) het hy geleer dat die bestuurslede word die direkteure van die organisasie en om 'n direkteur te wees is onderhawig aan sekere vereistes. Mnr Amos wys later weer uit dat ons 'n maatskappy sonder winsbejag (MSW).

Mnr Daniels verstaan dat daar bekommernisse is.

Mnr Daniels sal net die verkiesing hanteer totdat die Voorsitter verkies is. Daarna sal die gekose Voorsitter as verkiesingsbeampte dien.

Mense wat afwesig is en verskoning ingedien het, mag in ag geneem word vir posisies.

Voorsitter – Mnr Amos is deur Vincent Parrott voorgestel en deur Mnr Broidy Ortell as Voorsitter gesekondeer. Daar was geen ander voorstelle nie en **Mnr Stan Amos** is dus onbestrede verkies as Voorsitter.

Onder-Voorsitter – Mnr Wilfred Daniels is deur Mnr Jerome Pietersen voorgestel en deur Mnr Vincent Parrott as Onder-Voorsitter gesekondeer. Daar was geen ander voorstelle nie en **Mnr Wilfred Daniels** is dus onbestrede verkies as Voorsitter.

Sekretaris – Mnr Broidy Ortell is deur Vincent Parrott voorgestel en deur Mnr William Samuels as Sekretaris gesekondeer. Daar was geen ander voorstelle nie en Mnr **Broidy Ortell** is dus onbestrede verkies as Sekretaris.

Onder-Sekretaris – Me Lana Carelse is deur Mnr Stan Amos voorgestel en deur Mnr Vincent Parrott as Onder-Sekretaris gesekondeer. Daar was geen ander voorstelle nie en **Me Lana Carelse** is dus onbestrede verkies as Sekretaris.

Kassier - Mnr Vincent Parrott is deur Mnr Wilfred Daniels voorgestel en deur Mnr Broidy Ortell as Sekretaris gesekondeer. Daar was geen ander voorstelle nie en **Mnr Vincent Parrott** is dus onbestrede verkies as Sekretaris.

Finansiële Beampte (Ouditeur) – Die maatskappy Eagle Towers is deur Mnr Stan Amos voorgestel en deur Mnr Chris Jooste as Finansiële Beampte (Ouditeur) gesekondeer. Daar was geen ander voorstelle nie en **Eagle Towers** is dus onbestrede verkies as Finansiële Beampte (Ouditeur).

Daar is besluit dat die raad van direkteure sal bestaan uit die Voorsitter, Onder-Voorsitter, Sekretaris, Onder-Sekretaris en die Kassier.

‘n Gesprek het ontstaan rondom addisionele kommissies.

Mnr Samuels sê dat die kommissies sal groei onder die mense wat vandag gekies word. Mnr Amos sê dat die bestuur sal bestaan uit die Voorsitter en die vier mense wat so pas verkose is. Mnr Henry vra of die *Alumni*-MSW sal bestaan uit nege mense - die vier uitvoerende bestuurslede plus die addisionele lede? Mnr Amos sê nee dat daar slegs vyf mense (Voorsitter, Onder-Voorsitter, Sekretaris, Onder-Sekretaris en Kassier) sal wees.

Mnr Daniels sê dat alle kommunikasie deur die Sekretaris moet gaan.

Mnr Chris Jooste voel dat elke kommissie ‘n voorsitter moet hê wat daardie kommissie gaan dryf.

Mnr Henry voel dat die bestuur ‘n komitee is en dat die kommissies êrens verslag moet doen en dat die Onder-Voorsitter die verslagdoening moet ko-ordineer en die Sekretaris daarvoor verslag moet doen (neerstip). Hy dink dat ons die grondwet nou vooruitloop.

Mnr Henry maak kapsie dat die Voorsitter aan hom dink as ‘n Moslem-lid. Hy wil bekendstaan as ‘n inklusiewe lid wat by Lückhoff studeer het tot 1975 en ‘n bydra kan lewer, maar wat ook ‘n Moslem is.

Kommissie 1 – Virginia Borraine (Historiese inligting, Statistieke)

Kommissie 2 – Jerome Pietersen (Fondsinsameling)

Kommissie 3 – Stanton Hector (Interaksie van Belanghebbendes)

Kommissie 4 – William Samuels (Skoolgeboue en skoolterrein)

Daar is deur die vergadering aanvaar dat meer persone met die verloop van tyd deur die Raad geko-opteer sal word. Adele Smith en Sandra Van der Rheede se name is spesifiek in hierdie verband genoem.

Die boonste vyf sal deur die grondwet werk by 'n vergadering wat spesiaal vir dié doel gereël is op Dinsdag, 31 Mei 2022 om 11:00, te Nietvoorbij, Stellenbosch. Terugvoering oor die voorstelle sal dan nie later nie as 6 Junie 2022 gedoen word.

Bespreking van aansoekvorm – Broidy Ortell

Mnr Broidy Ortell bespreek die aansoekvorm. Die naam van die vereniging sal wees: Lückhoff High School Alumni.

Mnr Samuels vra dat die prinsipaal moet klaarheid gee oor die naam – Lückhoff High of Lückhoff Senior Sekondêre? Mnr Jooste sê dat hulle nog steeds Lückhoff Senior Sekondêre Skool is, maar as hulle die naam wil verander, mag die beheerraad dit verander.

Die naam van die beoogde maatskappy sonder winsbejag sal dus **Lückhoff High School Alumni**.

Die volgende besprekingspunt was die **getal direkteure** en **hoe** hulle voortaan verkies gaan word.

Daar was besluit op die top vyf. Die direkteure sal voortaan by die Algemene Jaarvergadering verkies word. Is die hoof 'n direkteur? Mnr Jooste sê dat die hoof *ex officio* lid is, maar dit sê nie dat hy 'n direkteur is nie. Mnr Henry sê dat die hoof geregistreer moet word as direkteur. Dan word die getal direkteure ses. Mnr Samuels voel dat as ons die organogram aanpas, kan die skoolhoof dan 'n direkteur word.

Mnr Henry vra dat ons 'n regsopinie moet verkry oor die kwessie van die hoof as 'n direkteur. Afhangende van die regsopinie sal ons weet - **vyf** of **ses** direkteure.

Ons gaan kies watter komitees ons gaan hê. Die adres is voorlopig 98 Bloekomlaan, Idasvallei, Stellenbosch, 7600 wees. Die posbusadres sal later aangestuur word.

BEDANKING

Mnr Samuels bedank almal teenwoordig vir die opoffering wat hulle gemaak het vir hulle opkoms. Hy bedank ook vir Mnr Amos vir die harde werk oor die afgelope paar jaar. Ons kan alle tekortkominge te bowe kom as ons net iets of iemand kan vind om ons te help en dit is wat die voorgenome maatskappy kan doen om die skoolgemeenskap op te hef.

Die vergadering verdaag om 12:29.